



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

De translatione reliquiarum Basilicæ Apostolorum. cap. 6.

urn:nbn:de:hbz:466:1-10502

tionis fundamenta. nam & rerum nostrarum ab eo tempore euentus ita perspicue confirmant. At Caroli quoque benevolentia, atque amori respondit semper ordinis nostri inter ceteros, vel potius, si bona omnium pace dicere licet, præter ceteros omnes, summa obseruantia, constansque eius studiis obsequendi, atque inseruendi voluntas: ut tantum ei Patres obedire eiusque sanctos conatus iuvare studerent; quantum ille eos benignè complectebatur, & nouis semper beneficiis ornabat. Studuit eodem fere tempore diligenter; ut erat coenobitarum discipline iuuandæ studiosissimus; & ad eorum piæ commoda, progressionesque semper, etiam inter maximas occupationes, paratissimus; rebus ordinis illius compendis, qui Sancti Ambrosij dicitur, Mediolanique, ac aliis quibusdam locis ritum seruat Ambrosianum. quibus ut res suas optime constituerent, religiosissimi Antistitis auctoritas, atque diligens opera non defuit. edidit libellum per id tempus, quem Memorialem inscripsit: ut ex eo Mediolanenses afflictionis, liberationisq; suæ proxima; tum caussarum, vnde profecta afflictio existimari debebat, memoria conseruata: res prosperas temperarent; gratias Deo haberent, agebantque semper; sibique in posterum cautius prouiderent.

Concilium autem ornauit translatio reliquiarum Basiliæ Apostolorum; quemadmodum & translatio ipsa ex Episcoporum præsentia, valde illustrata est. Moverat eas Carolus superiore anno; cum canonici antiquam ædem instaurare, atque ornare vellent. Sed in loco destinato non reposuerat; ut honore, celebritateque maiore; cum haberetur concilium, per virbem gestarentur, & omnino earum esset translatio splendidior, & ad populum pie excitandum efficacior. Cum igitur altare pre-

cipuum, ex media ecclesia tolleretur; inuenimus sub eo quemadmodum à maioribus traditum erat, corpora sanctorum Antistitum nostrorum, Venetij, Clicerij, Maroli, atque Lazari; non satis commode tamen, aut distincte, ac in rudibus quibusdam lapideis labris posita. alia ossa incerta rudijs etiam habita: in medio loco arculam argenteam; & in ea quedam velamina; vasculumque rotundum, in quo ossis frustulum itidem cum ve- lo erat. Collocatas in hac æde priusdem Sanctorum Apostolorum reliquias Paulinus scribit; ea de causa Basiliacum Apostolorum appellatam significans: Sanctum Simplicianum vero eas Roma attulisse quidam tradiderunt; quem quidem multum antequam Episcopus esset, peregrinatum esse, sanctus ipse Ambrosius testatur. perpetuò igitur existimatum est, eas reliquias sub hoc fuisse altari; atque adeo, ut sit, etiam vulgatum, certa ipsius Apostoli Petri ossa ibi recondi. ea nos cum hoc tempore iuovere gestiremus; & in argentea capsula, cum ea demum apparuisset, esse crederemus: velaminibus tantum repertis, hæstiuimus tristes. Sed quod inuentum in ea est; quidquid dubij afferretur; Carolus, cœlesti aliquo motus instinctu, tamquam Apostolica pignora iussit nihilominus haberi; & primo loco suis, sociorumque Episcoporum humeris in sacra pompa portari: tum eadem receptaculo recondi. At aliquot post annis memoria cum repeterem verum Romanorum Pontificum in reliquiis tradendis consuetudinem recordatus sum, reliquias Apostolorum petentibus, non ossa aliqua, quæ ne aspicere quidem auderent; sed brandeum, hoc est velamen quoddam in pixide conclusum tradidisse. cuius consuetudinis S. Gregorius testis est locupletissimus in epistola ad Constantiam Augustam. & Ioannes eius vita scriptor, qui

plu-

pluribus post eum seculis vixit, loco
brandei posterò tempore, particulas
vestium quarundam ex altari Sancti
Ioannis Constantianæ Basilice pro
reliquiis, potentibus datas affirmat.
hanc Romanam consuetudinem tam
sancte testatam, si quis respiciat: ne-
que aliquid ex Apostolorum corpo-
ribus Roma potuisse afferri tempore
quo Paulinus demonstrat, credibile
duxerit; & hæc velamina reliquias
esse a Paulino demonstratas recte, ni
fallor, iudicauerit. quæ quidem an-
sint veneratione dignæ, illud decla-
rat; quod cum S. Leo primum, mox
idem Gregorius huiusmodi pannos
incredulorum causa incidissent, san-
guinem mirabiliter effuderunt. Cum
autem in rotundo vasculo incisas lit-
teras vidissim huiusmodi, Dædalia vi-
was in Christo; putauit aliquid ea in re
esse, quod ad clarissimam quoque, præ-
stantissimamque virginem Mediola-
nensem Manliam Dædaliam pertine-
ret; quæ cum per ea tempora vixerit,
earum reliquiarum partem fortasse
contulit. hæc pauperum mater, ob in-
signem in eos liberalitatem appella-
ta est; & annis sexaginta, quibus in
hac vita fuit, sanctissime coluit virgini-
tatem. cuius memoriam, quamvis
publico non colatur honore, obserua-
tur semper, & colere Mediolanenses,
maximæ autem Deo dicatae virgines
debent. Sub alio item præcipuo alta-
ri ad caput ecclesiæ constituto, quod
itidem tollendum, & commodiore lo-
eo constituendum fuit, celeberrimi
martyris Nazarij, vnde præfens no-
men ecclesia accepit, reliquias inue-
nimus; quæ alte sub terram inter te-
nues quasdam, & politas marmoreas
tabulas conditæ erant. vidi succidum
quiddam adhærere inferiori tabulæ;
quod equidem vestigium esse recen-
tis sanguinis putauit, quem a Sancto
Ambrosio cum reliquiis huius marty-
ris mirabiliter repertum, Paulinus
narrat. neque enim coniicere potui-

mus, corpus ex eo tempore motum
esse, quo illud Ambrosius condidit.
apud loculum sancti Nazarij arca in-
uenta est, duorum corporum esse con-
tinens; quæ quorum fuerint, ignora-
mus. ex utroque autem loco magna
odoris suavitatis cum sepulchra aperi-
renter, afflata est. A latere dextro ec-
clesiæ, fere sub loco Euangeli legendi, aliam arcam aperiuit; quæ par-
vulo facello, astarique munita, Sancti
Vlrici, siue ut alij, Arderici vulgo ap-
pellata, a multis præcipuo cultu fre-
quenter visebatur: cui loco eiusdem
sancti viri statua etiam apposita erat.
omnia vero erant remouenda; vt ec-
clesiæ apta, decensque forma consti-
tui posset: inuenimus in arca indu-
mentis Pontificalibus ornatum cor-
pus; quamquam simul ac ea aperta
est, eorum species tota propemodum
euanuit: quisnam Episcopus ille fue-
rit, Mediolanensisne, an Augustanus,
vt quidam putant, aut vero alius; ad-
huc equidem ignoro. Has igitur reli-
quias Carolus inuentas, pie manibus
suis collegit, nobis sancto officio in-
seruentibus: quos iubebat eiusmodi
semper actionibus adesse. Absoluto
autem, vt dicebamus, Episcoporum
concilio; hæc corpora religiosa ad-
modum, celebrique pompa extulit;
& congruo viarum ambitu, portans
ipse cum Episcopis sancta feretra, po-
pulo frequetissimo ad venerationem
proposit. commemoratas reliquias
omnes collocauit sub nouo magno al-
tari: præter episcopales illas ab eccl-
esiæ latere dextro ablatas; quas ab ea-
dem parte in extremo ecclesiæ bra-
chio posuit, & altare super eas con-
struxit: nam aptus ad id erat locus;
quoniam in opposita ecclesiæ parte
aliud è regione simile respondebat;
sub quo itidem sancti Matroniani cor-
pus alio loco antea positum, tunc re-
tulit. at efficiebatur quoque, vt dex-
tri lateris eiusdem ianuam, quam nu-
per, vt in ceteris ecclesiis claudi ius-
ferat;

serat; nemo posthac appositi corporis saltem gratia, esset patefacturus. Ratio condédarum reliquiarum qua Carolus vslus est, quamque in posterum præscripsit, fuit sane magis quā antiqua, quantum perspicio, & ad conferuationem aptior, & ad memorialem accommodator; quæ quidem eius editis libris continetur.

De Caroli
rebus incli-
natis, & pro
fectione ad
vrbem.

CAP. VII.

Interea contentiones aduersus Carolum suscepæ, totoque hoc tempore spatio continuatæ res eius tantum in discrimen, & inuidiam adduxerant; vt nihil fere amplius auctorum eius Romæ defendi posse quibusdam videretur. Incommodis sermonibus, & rebus inuidiose relatis iamdiu completas aures, vix demum Ecclesiæ principes multi sine fastidio Caroli procuratoribus dabant. Eius existimatio, quod ad iudicium, prudentiamque pertineret, suspensa, neque mediocriter apud multos erat extenuata. Importuni rumores spargebantur, Carolum plerisque odio esse in prouincia Mediolanensi; vix ferri posse amplius: immo ferebatur; mandasse Regem legatis suis, vt eum Episcopatu Mediolanensi moueri curarent: Gubernatori vero, vt vi contra eum libere vteretur. vulgatū est eundem Romam breui iturum, neque rediturum: quæ quamvis neque vera esent, neq; similia vero; magno tamen cum detimento rerum Caroli iactabantur. Mediolani nonnulla ex ijs quæ pie is instituerat, iam pene lapsura videbantur. nempe inter alia, rumore quodam studiole per urbem, dico etiamq; dissimilato; chorearum licentia subito loca multa perusit. eoque res deuenit; vt in vico quodam, Carolo prope inspectante, qui eam dico etiam partem lustrabat; nonnulli temerarie cogerent ferme puellas, aliosque; vt ab ecclesia, christiana; que doctrinæ schola, discederent ad choreas celebrandas. quod quantum Carolo doloris afferret, facile est coniicere.

vel ipsi certe laici, vt erat bonorum omnium sensus, maxime dolebant, eiusmodi impunitatem dari. Omnia ita inclinatum videbatur totum de disciplina restituenda negotium; vt ad felices exitus posthac erigi vム quam posse, plerique desperarent. Cum tatis incommodis Carolus conflictaretur; animo quidem in rebus suis agendis minime deficiebat: & se tamen non mediocriter fatigatum interdum fatebatur: de quo Pontifici etiam significari iussit: non id fieri solum contumacia, insectatione hominum; sed ob eam quoque maxime cauissam; quod facta sua, si qui repugnarent, quasi iudicium accipiens, litem persequens, Romæ defendere singula cogeretur. ad retardandum Episcopi animum, qui suam ordinare cuperet ecclesiam, non parum id valere. venire in mentem facile posse, cum id fecisset, quod rectum, pliunq; videbatur; demonstrasset etiam quærenti Pontifici, quid in eo spectasset: tum nihil aliud agere, curare; remque totam summis iudicibus libere permittere, siue confirmandam, siue rescindendam. prouocationes quidem omnium ecclesiarum pro summa Apostolicæ auctoritatis dignitate, iustitiaq; minime debere contemni; neque eorum, quæ vbique fierent recognitio recusari: sed ita tamen; vt omisso sæpe iudiciorum more, Episcopo facti sui, præsertim non grauissimi, rationem, in re comperta redenti, fides haberetur; cui grauissima, omniumque maxima animarum cura credita esset. Specianus igitur, quis solus negotia Mediolanensia tunc Roma procurabat, & præfens eorum fere animos, quorum in manibus negotia erat, in contrariam partem valde inclinatos cernebat; anxie admonitum petebat, vt Carolus ipse Romam iret; cuius præsentia, auctoritate, ac industria, quæ propemodum iacebat, erigi, confirmariq; possent. Carolus,

qui

